

湯子遺書



湯子遺書卷七

陝西公牘

詳陳屯政等事

禁約事

首嚴吏治以甦殘黎以奠封疆事

嚴禁左道以端風尚以弭亂源事

申飭事

懇恩詳轉等事

戢虎暴以除民害事

再飭置簿以恤衝驛事

湯子遺書卷七目錄

禁約事

禁革亂俗以正倫常事

戶口凋殘已極窮黎苦累難堪請勅部詳以

昭畫一以垂永久事

酌併潼關稅務等事

窮兵枵腹堪憫等事

嚴禁兵丁賭博以靖亂源事

申明鄉飲以重大典事

申飭學校以端士習事

勸諭平糴以濟窮黎事



率屬修省以回災變事

嚴禁私幫以申法紀以蘇民困事

禁革陋規以甦民困事

疏通糴糶急救民命事

卑員越例煩瀆嚴行戒飭以肅法體事

行查旱災事

撫民廳爲舉告逆子事

華州詳吞業殺命事

華州呈報打奪客人馬成貨物事

華州詳捉獲盜賊事

湯子遺書卷七目錄

蒲城縣懇討憲批彈壓以革積弊以懲刁頑

事

華州詳詭滅吞殺事

詭滅吞殺事

澄城一件防兵盤獲等事

華陰縣詳違憲霸王事

朝邑縣一件指官擾民事

華州詳報地方事

華陰縣申西王等村爭水一事

朝邑縣一件公舉節孝等事

遵旨會選堪任鎮將等事

再行嚴飭防禦以靖地方事

行查旱災事

嚴禁差役下鄉擾民事

革長班以除弊端事

諄諭屬員共保殘黎事

餉務事

懇題速補要地道缺以理殘疆事

塘報事

欺君虐民極寃事

湯子遺書卷七目錄

撫民同知呈詳爲欺君虐民等事

認訪救荒實政以濟窮黎事

嚴禁溺殺子女以全天性以厚風俗事

目擊衝驛倒敝希速請示以專責成以通國

脈事

禁宰畊牛以重農務事

塘報賊情事

禁約事

申飭刑名事

興復社學以端蒙養事

急查忠烈實跡以備表揚以範未俗事

查議事

復鄉飲以重大典事

湯子遺書卷七目錄

四

尊職增以重大典事

查議事

急查忠烈實跡以備表揚以範未俗事



照得已行該州縣造冊墾荒及屢催去後竊照兵燹之後地方殘燬驚鴻失所田疇荒蕪正供缺額故特設屯道招墾今奉旨責成本道兼理殫精剔釐必使戶口日增野無曠土方不負朝廷委任之意近日盜賊甯息生聚漸繁比昔日流離外方者誰無首邱之思若地方官加意招徠安有忍棄墳墓拋骨肉長作異鄉之客者乃奉行已久不啻三令五申而該州縣荒地多至千百餘頃或招湯子遺書卷七 陝西公牘

徠之道未盡得宜與抑游食者多未盡歸農與或豪奸將熟作荒欺隱國課或壤地磽确濕下勢難耕耘以致課額久詘司農仰屋國計民生將何賴焉况開荒三年方准起科目前現給屯本朝廷恩意何等優渥凡我百姓及時開耕坐享膏壤子子孫孫皆安居樂業以視離鄉棄井流離無告不大懸絕耶今值西成種麥之時故再行急勸爲此仰州縣官吏即將牌內事理出示曉諭速將所有荒地悉勸土著窮黎暨流亡歸業之民趁時播種三年之後方照民地納糧中有隱熟作荒者許

即以首免罪給照爲業仍將開墾過地數限九月終先造冊報道以憑查核慎毋怠視自取咎戾

### 禁約事

照得本道職任方面當攬持大體表正府縣非瑟瑟五聽三訊判斷曲直爲責但恐百姓實有冤抑全不受詞非清問下民之意故於初二十六日定爲放告常期今爾百姓甚不相體一逢出署隨街逐路迎馬首而陳詞動以十數平政辟人之體安在及審所告事情多係小忿駕誑甚可厭惡今

恩詔遐頒普天同慶凡有小過咸與維新爾百姓湯子遺書卷七

陝西公牘

二

亦當仰體 皇恩解忿息爭如有不得已事有司剖斷不明聽於放告日期明白控訴果賊官酷吏豪奸悍兵虐衆殃民及真強盜人命者特設告牌四面於轅門外許坐大堂之日抱牌陳告敢有故違仍前跪伏衢巷喊鳴投狀者巡捕官鎖拿定行責治決不輕貸

### 首嚴吏治以甦殘黎以奠封疆事

照得商屬屢罹兵燹荆榛瓦礫凋敝已極一二遺黎真膏盡髓竭之日有司不能噢咻撫循以生此民而反媮民以居不但上違 功令抑且自失本

擾不饜不休或稟人犯不齊或稱關提未到放趙  
甲而留錢乙賣正犯而拘家屬小民一詞牽連累  
月守候八口供給不足當市肆一飽終歲勤動不  
足充胥吏一飽刁民借詞訟以報仇愚民因詞訟  
以傾家皆問官怠慢之過也甚之曠日遲久則勢  
要囑託紛雜而至所以是非不明良懦短氣興言  
及此可爲痛恨爲此仰州縣官吏照牌事理將本  
道徑批轉批未完詞訟逐一確查應勘詳者作速  
勘詳應招解者作速招解如或刁民借籍人犯無  
處提拿及曾告院司久經問結者卽具由申繳限  
湯子遺書卷七

陝西公牘

三

本月終日責差經承赴道聽比以後每遇季終除  
事件全完准入遞齋簿外如有三件未完不論詞  
訟牌案俱差經承親責聽候發落如仍前朦朧入  
遞差役違抗不赴定差人鎖提重究不貸文到先  
具遵依查考

### 卑員越例煩瀆嚴行戒飭以肅法體事

准驛傳道關據西安府呈看得潼關爲三秦第一  
衝途驛站孤懸衛境錢糧額設州縣原與他處不  
同年來荒旱頻仍豆草騰貴馬斃夫逃委難支應  
前詳議委撫民廳兼理而該廳復詳請統歸華陰



查華陰距關四十餘里該縣設有潼津一驛一所  
若再將此驛歸併此彈丸小邑差使旁午縣官豈  
能分身兼顧固斷斷不能行者據該府詳稱再四  
確查以潼關驛昔年原係同朝澄郃四處分協應  
差每年應食草料與馬夫工食俱在四州縣額設  
站內各照額數支領本州縣站銀通融銷算欲仍  
復舊例責令撫民廳嚴爲稽查爲眾擎易舉之計  
本道以奉 旨官養已久四州縣協濟潼關乃係  
往例又驛站爲驛傳道專司本道未敢擅議駁令  
覆查通詳驛傳道會議去後今該府以此責在官

湯子遺書卷七

陝西公牘

四

原非累民眾擎易舉莫便於此而驛傳道亦云新  
定奉 旨衝僻冊內各州縣原額協濟股項尙存  
未收如府議移關前來相應呈請伏惟憲臺軫念  
殘驛倒廢已極時難容緩或姑照府議飭令四州  
縣官吏查照遵依以濟目前之急再查四州縣中  
朝邑亦係次衝而澄郃去關頗遠又錢糧已歸華  
陰事權紛紛不一其動支站銀必仍責撫民廳嚴  
加查核勿使胥役借端冒破勿使齷差濫行需索  
勿令各州縣擅開私幫重困里民其火牌勘合等  
項必先抄白該廳然後行驛應付其循環簿亦由

又新奉明旨申飭極其嚴切乃訪得朝邑韓城澄城等處有等奸民專以邪說教門燒香聚徒坐臺持號鳴鼓結旛迎神建廟明造妖言暗操亂柄以致蠢輩無知深信篤好百順奉承夜聚曉散習以爲常甚至婦女性感傾心聽講竭力布施騙財漁色人心煽動妨化亂正莫此爲甚爲此示仰軍民人等知悉人倫之理出自性真而名教之中自有樂地自示後凡以前不知誤犯者各宜洗心滌慮早求改絃絜從寬宥若堅執不悟許地方鄉保人等指實首告以憑拿究如律定罪如敢容隱或湯子遺書卷七 陝西公牘

五

經本道訪出或被旁人告發一體連坐三尺凜凜決不輕貸

### 申飭事

照得囹圄之設原以繫重囚而申國法也今恩詔屢頒普天同慶凡有小過咸與維新自非欽犯與情罪重大例不應赦者自當仰體皇仁槩從寬宥至於州縣詞訟片言可折朝服金矢夕樂耕桑乃不負子民之任近訪得所屬州縣無論事之輕重輒將人犯繫獄累月耽延不行結止以致無辜之民呼天搶地獄吏之責拷無已時本當即

行申究姑行嚴飭爲此仰官吏卽將監禁人犯分別輕重罪名作速審明放歸農業如仍前淹滯不結致令寃民吞聲鬪土者本道定指名揭參決不寬宥慎之慎之

懇恩詳轉等事

據潼關遞運所華陰縣申前事驛傳道批一體遵行因申轉到府該府看得潼關所原無額設車價銀兩獨以夫役工食那給情由仰蒙憲示行據華陰縣所稱計其所夫工食額銀不足以抵家口用過車輛腳價比照州縣不給腳價與例可原但運

湯子遺書卷七

陝西公牘

六

用些須車輛有似夫抬易車之類難與大兵家口分派車輛一例全免仍照該所先奉督撫兩院批示每車腳價東送一兩西送五錢或按程每車十里腳價一錢俾所夫去其太重任其所輕亦無空苦之怨該縣詳議前來合請上裁批示以便轉飭遵照可也等因呈詳蒙批潼關經過大兵與家口所用車輛自應照各州縣幫協之例免給腳價其尋常運用些須如詳於募夫額銀內按程算給仰府飭行繳等因到府行縣備仰到所蒙此該卑職遵照一體遵行等因申轉到道看得潼關所協濟

牛車當時議定每車一輛腳價往東一兩往西五錢已有定例每遇提車按數支給祇因張總鎮經過用車爲數最多該所站銀勢不能給故比各州縣協濟之例槩免支發至於尋常用車應於夫銀內按程算給已奉貴道裁定但以尋常二字未定額數故數月以來該所任意遷延毫未給散煢煢車戶賠累何堪蓋尋常車輛原係所夫之差民間代之應急豈有不給腳價之理况協濟該所者乃朝同蒲城之人皆涉洛渡渭往返二三百里卽潼關軍屯零星四散亦有在二三百里外者自備餼湯子遺書卷七

陝西公牘

七

糧代授鞭撻有守候耽延之苦有使費需索之煩往往資斧告匱賣牛典車僅以身歸卽次次給價猶恐得不償失若盡數停支勢必難堪怨憤愁苦所必不免者也然而地處極衝輪蹄交錯所夫嗷嗷奔命日不暇給况大兵過往動輒數百輛一月之內有至十餘次者如一槩全給勢必夫盡迺站盡壞星輅絡繹誰爲供應當此之時所謂夫苦民苦兩難之際固知貴道前批府詳真碩算但求稱議定數目或百輛以上免給或幾十輛以上者免給頒示畫一移文過道以便稽查永遠遵行可也

獸虎暴以除民害事

照得妖由人興人無覺焉妖不自作本道暨各州縣刑之頗僻獄之放紛苛政之害甚於猛虎以致惡獸咸召而來吞噬殘黎攫嚙牲畜各官既不能希蹤古循良吏增修德政使虎類知感而渡河自應責彼獸人驅除虎害乃近見各屬有民間擒得虎豹強徼其皮獻之官府是百姓冒死而得者止供官府餽送之資何所利而爲乎爲此示仰州縣官吏卽傳諭有虎地方人等知悉如有獵戶善於搏虎者聽其捕逐擒獲一切皮肉任彼變賣不得湯子遺書卷七 陝西公牘

八

再飭置簿以恤衝驛事

照得驛遞苦累至極本道加意體恤必係緊急軍情萬不得已者方填號票量給一馬仍嚴禁需索之弊乃過往差役郵符在手鞭笞驛卒勒索酒食種種不法難以枚舉爲此仰州縣官吏置立簿籍赴道請印每日應付過馬匹數目差役姓名有無需索威凌一一填簿按季報道查驗如隱漏不報查出定提究不貸

禁約事

照得龍駒寨爲三省通衢經商孔道自兵燹以後  
店舍邱墟行旅斷絕今草萊漸闢貨物稍通乃訪  
得店戶集頭舊有供應道州陋規凡器具安置操  
賞花紅等項俱取給於此地一年所費極爲不貲  
本道聞之不勝駭異居官者不能保障予遺與地  
方休息而視坊甲爲外府恣意以取小民灰燼之  
餘何堪如此剝削乎爲此示仰該州各衙門官吏  
及本寨居民人等知悉以後務要樽節民財所需  
器用俱照民間價值不得再累店戶措辦如敢故  
湯子遺書卷七 陝西公牘

九

違許居民據實赴道陳告官以擾民申叅衙役按  
賍究遣本道斷不以五日京兆辭避怨嫌徒託空  
言也

禁革亂俗以正倫常事

本道省覽民詞見凌孤逼寡詐姦詐盜愛富欺貧  
逐媚停婚兄弟鬩牆婦姑諍語悖倫傷化之事累  
累見告竊以三秦爲文武周召之地何教化之凌  
夷至此更可駭兄收弟妻弟收兄妻法當兩  
絞而鄉村愚人公然嫁娶甚至父母主婚親朋相  
賀真禽獸之行恬不知怪安望其禮讓興行孝友

成俗乎爲此示仰軍民人等知悉凡以前不知犯  
法者卽日離異改正如瞞昧因循者許鄉約保甲  
合詞公舉審明定按律處死不恕

昭畫一以垂永久事

照得編審均徭上關國賦下係民生爲典甚重  
今奉文責成本道總理其事本道秉憲關門去州  
縣頗遠閭閻室家消長虛盈應陞應擦安能一一  
周知州縣官身親地方爲民父母必深山窮谷之  
中無隱不達婦人孺子之情無微不照方謂知此

湯子遺書卷七

陝西公牘

十一

州知此縣編審之時一秉虛公勿疎勿怠勿偏勿  
私庶幾賦役適均貧富得所若於百姓痛癢全不  
關心專靠經承任意陞擦賊多者減囊空者增豪  
猾巨富得遂其奸單丁女口反罹其苦私家之屋  
旣潤朝廷之版遂虧甚至暗通賄賂明受請託  
功令不畏民怨莫恤上天鑒臨決難欺蔽爲此

仰州縣官吏卽定日期齊集里老書手人等於城  
隍廟中齋戒誓神虛公編定造簡明冊籍併里甲  
花撒候本道再行親查若士夫各有天理各有子  
孫必不肯妄自把持自傷陰德也

酌併潼關稅務等事

照得潼關稅務昔無專官致滋冒濫蒙按院高題請專責該廳抽收按季類解藩司以佐軍需杜需索而清侵隱法誠至善但恐事久人玩狃於故習以致奸弊叢生甚非 朝廷裕儲通商之意本道蒞任以來已嚴飭該廳極力釐剔茲閱邸報戶部題定事例凡關稅諸差設置循環空簿先期赴部請印商貨應納稅抄令各商親填數目按季報部科磨對不許書役代寫以防侵漁隱漏該廳經收稅務事同一體宜遵畫一之法以爲永久之計爲

湯子遺書卷七

陝西公牘

十一

此仰廳官吏文到卽將該廳抽收商稅銀兩置簿徑赴藩司請印每遇商貨臨關將應出稅抄令各商親填寫數目勿令書役代書按季將簿資司核銷以課實効如此則關稅肅清而軍需有賴事切要務慎勿以泛言相視仍具遵依緣由報查

窮兵枵腹堪憫等事

據潼關衛申本道看得折衝禦侮在兵而養鋒蓄銳在餉兵餉半本半折久成定例諸營皆然本道何敢破例妄請但地方情形各有不同今餉銀告匱奏處維艱守候動逾半載三軍日切呼庚久勞



憲臺之睿慮苟本地尚可通融不酌量申請以濟  
緩急不但貽誤封疆且有負憲臺矣竊以潼關壤  
界三省全秦門戶地方最爲扼要差使最爲浩繁  
兵丁奔走供應往返千里不遑休息又皆四方招  
聚之徒非若土著防守有田產貿易可以取資也  
且地極荒殘連歲早歉人民零落借貸無門專靠  
月餉以爲餬口自八月以來餉銀未領各兵鶉衣  
菜色哀籲迫切殆無虛日入春青黃不接愈覺惶  
惶靡寧擁集呼訴驅之不去不得已申以朝廷  
大義諭以憲臺德威始俛首聽命夫百姓卽甚馴

湯子遺書卷七

陝西公牘

十三

樸饑寒切膚猶有挺而走險者况此强悍血氣之  
輩枵腹荷戈妻子啼饑其爲隱憂當不可測今據  
該衛詳稱積貯本色倉廩盈滿節年舊欠接踵完  
納苦無別厰收貯今春氣濕熱陳陳相因沍爛可  
虞請將營標應領司庫折色兌支潼倉本色瞻厰  
收放旣免庚癸之呼更無朽腐之虞似屬可行本  
道復查潼倉麥米專支營標兵丁過往大兵另有  
灘糧不在此數又查舊案順治十二年四季皆支  
本色十三年春夏又兼支本色蓋亦那緩就急營  
衛兩便之計也今時勢迫切俯祈憲臺軫念巖疆

破格優恤准批明示或每歲俱支本色或支春夏  
冬三季本色以便遵奉免藩司兌發之勞省營將  
守候之苦兵丁無脫巾之虞倉廩無紅腐之患竭  
力捍禦鞏固封疆地方幸甚况設兵原以衛民戢  
盜也本道屢奉憲檄加意清汰申明紀律禁戢強  
暴一有違犯繩以軍法亦以餉糈不缺約結其心  
本衣食不足誰肯枕戈待斃萬一奪民間一斗之  
粟一束之帛激之則生變縱之則殃民是衛民而  
反以厲民戢盜而反以生盜此又本道所苦思熟  
慮而不敢不請命於憲臺者也

湯子遺書卷七

陝西公牘

三

嚴禁兵丁賭博以靖亂源事

照得兵餉告匱撥發艱難本道不惜筆舌爲爾兵  
丁請命惟望藉此飽騰之惠養其身以有用今聞  
兵丁得餉到手相聚而博勝者志得意滿負者落  
魂喪魄赤手而懊恨矣囊空羞澁則計賺平民攘  
取財貨自陷於兇人禍亂大源實階於此若鬻器  
甲逃營伍又不待言也夫爾兵丁苟有餘閒何不  
善穀乃甲冑淬礪乃干戈習擊刺演騎射投石超  
距自有軍中之戲顧就此游手之事殊屬愚昧爲  
此示仰營標兵丁知悉以後各念領餉甚難毫釐

顆粒皆當珍愛以爲妻孥飲食之費敢有不遵仍  
前竊習賭博中軍等官訪拿申解定以軍法從事  
決不輕貸

### 申明鄉飲以重大典事

照得鄉飲酒禮所以表耆德教萬民甚重典也近  
來有司多視爲故事或廢而不舉或舉而不得其  
人曠墜大典罪莫甚焉本道謬膺方面孜孜以敦  
崇教化砥礪末俗爲務因思古人如陳太邱王彥  
方諸君子皆望重閭里使奸宄姓名畏爲所知夫  
十室之邑必有忠信三人並行厥有我師今或有  
湯子遺書卷七 陝西公牘

四

### 申飭學校以端士習事

其人而壅於上聞是守令之過也爲此仰州縣官  
吏卽將數年來鄉飲賓介開具姓名年齒德行實  
跡報道查考以後務慎擇公論推服者預期申聞  
勿使田舍翁多收五斛粟而濫膺此數也

照得人才者天下理亂之由學校者人才邪正之  
本今蘇湖之風旣遠蒲霍之教無聞卽有司之賢  
者拔英俊而厚加作養分會約而嚴行督責不過  
日舉業云爾夫 朝廷懸賞興重典諸士爭進取  
榮階卽不令有司提調學官訓迪寧乏鄉舉甲第

哉如曰學校惟爲舉業舉業專以詞章則經書垂  
訓貽後人利達之資科目用人開天下富貴之路  
於身家誠得矣不知朝廷取富貴利達人安用  
也堂曰明倫不亦迂遠不情之甚乎夫特立之英  
好修之彥世不可謂無人但自教指一迷學政久  
廢士終日聚談無一語講求道義終日誦讀無一  
字照管身心說正言者則笑爲道學吹求其短不  
詭隨者則惡爲古板厭棄其人不知世道人心何  
所底止余以爲當慟哭幾絕而世終執迷莫悟也  
夫諸生以教官爲師而學校則守令提調又朝廷

湯子遺書卷七

陝西公牘

五

付之以滿庠青衿之士望之以養賢待用之益教  
授授以何道學正正得何人教諭諭以何事訓導  
導者何說提提者提撕調者調習所提調者何効

朝廷命官之意顧名而思之清夜能無愧怍乎思  
昔盛時學有崇禮義之風人有士君子之德修之  
家則規言矩行不以狎昵邪肆媿哉冠博帶之身  
命之仕則體國憂民不以勢利紛華改羔羊素絲  
之節今之人未必皆出古人下不知當時郡邑師

長果繇何道而臻此也夫秦古聖人之墟也諸生  
中躬行實踐究心洙泗濂洛關閩之學者定不之

人然數日來詢採風謠省覽民詞見其間父兄伯叔鄉曲師長越禮爭訟者有之矣淫邪婦女官私娼優姦通包占者有之矣鄰里地房親朋財物侵奪騙賴者有之矣鄉黨間入公門政務干預請託者有之矣逋負錢糧交結黨與挾制官府者有之矣捏貼匿名聚談邪僻生事造言者有之矣宮室車馬冠履衣裳豪奢敗俗者有之矣或騙貨利或報讐嫌唆詞健訟者有之矣或以貪財或緣醉酒詈衆毆人者有之矣或包牙店或領秤尺把持行市者有之矣或交結棍惡或扛幫愚少賭博傾家

湯子遺書卷七

陝西公牘

六

者有之矣或搬弄是非或起編綽號浮薄敗群者有之矣朔望視學無一士從而禮先聖者轎車所過執詞喊稟者累累放告之期羅而跪拜者如林嗚呼學校之弊至此極矣卽有號稱賢者亦不過記誦詞章揣摩舉業剽竊糟粕體貼訓詁至於致知力行之學經世安民之業亦曾留心否試問本州縣風俗如何轉移倉廩如何充實盜賊如何消弭荒歉如何救濟差役如何均平地糧如何清楚冠婚喪祭如何合禮鰥寡孤獨如何得依不悖於古可行於今者諸生亦曾留心否諸生今日作

秀才他日登朝宁一切責任皆平生夢寐不及  
要作詳審精密之事成光明俊偉之功豈不難哉  
本道忝有風紀之責所望諸生志伊尹之所志學  
顏子之所學人人有天下萬物各得其所之性分  
有天下萬物各得其所之學問勿視經史爲富貴  
資本學校爲利達道場爲有道君子所笑則幸甚  
如有前項之徒不遵約束百姓皆吾赤子忍令其  
抱冤負恨以諸生爲寇讐乎輕則發學夏楚重則  
移文革黜一學至五人者教官立刻申叅至三人  
者改註下考仰州縣官吏卽照牌內事理抄傳該  
湯子遺書卷七 陝西公牘

七

學師生一體遵依仍具文報查勿得故違  
勸諭平糴以濟窮黎事

照得關中兵燹之後雨暘時若民猶艱食今歲旱  
魃爲虐穀價騰湧窮民嗷嗷無所歸命本道消弭  
無術日夜憂懼訪得此地薄俗每遇歲歉富家封  
閉倉廩散財增糴以致市價益高糶獨愈困富家  
千倉萬箱顆顆如珠不知古人賑饑者大獲陰德  
之報閉糴者遂罹奇異之殃歷觀往跡鑒戒炯然  
凡我百姓趁時平糴陰受福佑明獲利益豈非甚  
善若富獨有餘貧獨不足不但隣里親識窮餓可

憫究至半菽不飽誰甘轉死溝壑萬一計無復之  
自棄於凶人富者又安能家累千金洗腆用酒而  
言無事乎除本道率屬痛自修省巽回災眚外合  
行勸諭爲此仰合屬紳衿士庶人等知悉凡素封  
之家酌算家口蓄積僅可接濟麥熟者照常存貯  
有餘盡數出糶以濟窮黎民氣旣和天行亦若甘  
霖早沛共享樂利之休若慳吝固執專圖網利鄉  
約地方公舉到官重笞四十罰穀備賑如有廣出  
積貯平價市糶者該州縣分別多寡申報本道酌  
量給扁獎勵以爲富而行義者勸決不食言慎勿  
湯子遺書卷七

陝西公牘

六

違玩

率屬修省以回災變事

冬寒申詳本道

照得關中連歲旱歉去冬雨雪鮮少八春恒暘轉  
亢雲油油而颺興雨垂垂而日出近且狂風陰霾  
發屋拔樹麥苗漸槁百姓無所歸命本道表率一  
方不能增修德政以感天和而吏墨兵驕政乖法  
頗閭閻怨而不聞隴畝困而莫恤是宜降疾咎於  
厥躬乃反累我烝民烝民何罪古人有言曰應天  
以誠不以文今不能側躬修省徒飭零祝之儀雖  
史巫紛若終非所以消弭災患之道也夫匹夫一

念之誠猶能上通於天豈我十五州縣衛文武官吏無一人至誠能感格天心者乎合行率屬修省爲此仰州縣官吏當思吾人之大命在天上天之至愛在民閉閣循省或政令乖宜或刑獄煩苛或賦稅失均或私派太重或蠹役作奸而不知禁或苞苴公行而不知檢實實體察實實改悔三日之內得甘霖溥降庶幾禾稼稍蘇不至薦於饑荒况天地之於人猶父母之於子父母不棄改過之子天道必不絕悔罪之人各宜竭誠無飾文到先具遵依報查

湯子遺書卷七

陝西公牘

九

嚴禁私幫以申法紀以蘇民困事

照得驛站之設原酌量衝繁額定馬數以供皇華之使馬匹官買官養久奉 明旨申飭不意有藐

視 綸音擅行私幫如華州之甚者前奉上臺明文議定州馬止留十匹入號以助驛馬之不足誠上不病國下不累民而該州罔恤民瘼輒將州馬私派里民至七八十匹一切差使皆取給於此每遇星輅絡繹驛吏袖手傍觀專一催督里下甚則用至百十餘匹需索賠累不可勝計小民飲泣吞聲莫敢誰何不知額設驛站錢糧侵沒何處更可



異者該州以驛馬止供兵部勘合火牌之用卽撫  
督按各部院巡歷考審亦專責之州馬驛吏以其  
無火牌也而漠若罔聞此真不可解者本道不知  
此例創自何人出何典制何他邑之驛馬獨勞而  
該州之里民獨苦也且該州視里民爲痛癢不相  
關每遇各衙門差遣人役手無馬票濫行應付以  
里民之膏血爲獻媚之先資而衙蠹劣衿市棍勢  
僕盤踞其中視爲利孔若不急爲釐剔民艱何日  
得甦合行曉諭嚴禁爲此示仰該州驛遞官吏暨  
里民人等知悉斷自今日爲始以後凡遇兵部勘  
湯子遺書卷七

陝西公牘

三

合火牌照常應付本省各部院經臨巡歷俱照各  
州縣定例支應州馬祇遵憲裁十匹之外不許擅  
增一騎其餘一切衙門差役俱不得徇情濫給如  
敢抗違或經本道訪聞或經里下告發官以冒破  
站銀酷虐百姓揭報 題叅拿問追擬吏役照例  
流徙三尺稟稟決難寬貸

### 禁革陋規以甦民困事

照得秦省自兵燹以後灰燼遺黎真膏盡髓竭之  
時司牧者愛養百姓除正供外分毫不宜朘民本  
道訪知各州縣陋規凡上司過往鋪墊安置薪水

紙劄無不督責兒年輪置備辦糜費多端而華州尤爲煩苛僉派里民支應公館某公館屬某什排支應凡家具槽鋤毡蓆綵帳一一取之事竣收領多半毀壞工房借端索賄賣此害彼任意去留且賄納房租日增價值每歲所費極爲不貲嗟嗟朝廷建立守令固望保障予遺摺節民財一切與地方休息若視閭閻小民痛癢不關則脂膏有幾何堪此層層剝削乎除已往不究外合行諭禁爲此示仰該州官吏人等知悉嗣後凡一切公館毋得仍前僉派什排需索無厭如敢聽信奸胥因循湯子遺書卷七 陝西公牘

三

積弊借端胥制里民者或經本道訪聞或經里民告發官定揭報 題叅衙役按贓究遣斷不顧恤情面避辭怨嫌令小民敢怒而不敢言也

疏通糴糶急救民命事

據朝邑閩縣居民張守恩等連名稟稱時值亢暘禾苗枯槁本邑人稠地狹卽豐歲尚賴郟澄麥糧今二縣阻斷興販致令麥價日增乞天恩准潼關廉道疏通糴糶等情照得出示曉諭仰閩縣集鎮士民并各牙儉知悉凡遇道屬商民携貲告糴務要照依時價兩平易買任憑轉運毋得封倉閉廩

過抑販糶使窮民坐而受困本道已躬率州縣官捐俸差官往穀賤地方收糶仍一面申請上臺嚴禁駐防兵將借端勒索一面移檄隣境撤其藩籬舟車轉運絡繹不絕庶幾米麥充牣價值減損若有富戶巨室釀金隨糶或發倉平糶本道定給扁優獎仍賞賜錢幣既得厚利又獲榮名何憚而不爲此如敢故違仍前囤米閉糶故昂市價致貧民嗷嗷待斃者是助旱魃爲虐除抗法奸徒許商民喊稟本道依律拿究將所囤米穀入官備賑外仍將該管官職名揭報 題叅決不姑息罔斷封殖

湯子遺書卷七

陝西公牘

三

一家流離一路也

卑員越例煩瀆嚴行戒飭以肅法體事

看得驛有衝僻歲有豐歉原難一槩並論而潼關驛不隸衛轄較之州縣尤稱艱苦且地通數省爲全秦門戶冠蓋之使絡繹不絕每遇大差運至所需馬匹或至數十或至盈百月無虛日日無停轡况今時值亢旱不但豆草騰貴抑且市肆一空雖有價值無處尋買馬匹枵腹奔馳倒斃顛蹶道路相望誠不可不急爲調停也爲目前之計莫若暫寬七分之例仍准照舊規料豆草束按時值給買

造冊報查如有冒破等弊者官吏按律究治不少寬貸待年稔價平之後則七分已定不煩稽核而侵欺可杜矣抑彼尤稱苦者往往有悍卒差官不畏明禁需索無厭郵傳任其逼迫官吏供其鞭撻揀選肥壯勒令折乾及至上路惟知捶楚不顧驛馬之生死所以馬夫跪門擁訴號泣不休本道已張示通衢嚴飭駙官不得私以民脂獻媚差官如彼不遵 功令強行需索卽稟本道具詳部院請示定奪或以過客一時捶楚不及稟差官日後挾讐不敢稟甯忍氣吞聲不敢不曲意趨奉此真本湯子遺書卷七

陝西公牘

三

道所無可如何者也且驛官職微人輕愛鼎者少驛站錢糧關係匪細既非衛轄似當彼此照州縣官養之例責成就近專官料理其事庶差官稍知謹畏而錢糧亦不至朦濶矣緣係院行會議事理既經該廳詳議前來相應移會貴道煩照院牌情節再爲詳議妥確通詳督撫批示遵行仍希文過道轉行該驛遵照施行毋得故違

### 行查旱災事

照此件業已備行該府速將所屬州縣衛所旱災大畧情形先行馳報去後至今二十餘日屢經嚴

催未據前來凡查勘災傷當若救焚拯溺况事關  
題請何得怠緩從事合行經催爲此仰朝邑縣  
官吏查照該府轉奉原行卽查該縣境內某處旱  
甚麥苗盡枯某處次之或有苗可望一面先將大  
畧情形飛報該府彙賚本道立等移送藩司轉院  
具題一面嚴查輕重分數造印截冊由府報道  
轉報慎勿刻緩視民艱若罔聞以負上臺軫恤災  
荒之意先將報府日期具文查考

撫民廳爲舉告逆子事

批黨正民告其子不孝行提日久未獲復再三哀

湯子遺書卷七

陝西公牘

誦

懇自言誤聽後妻之言求免拘拏准註銷昔魯人  
有父子相訟孔子三月不別旣而釋之人倫之訟  
與他事固自不同此繳

華州詳吞業殺命事

看得秦民多因區區小忿兄弟叔侄爭訟不已風  
俗重利輕倫如此真堪浩嘆惠自榮以數分遺田  
兄弟操戈同氣之義何居至於動借人命尤爲可  
恨本當杖懲但念無知殘黎且修怨在宗族之間  
望其式好無尤紙贖姑准寬免以後凡遇此等事  
皆當責令鄉約族長勸諭和息動其天良如怙過

不悛便非人類當加倍重處以爲鄉民之戒

華州呈報打奪客人馬成貨物事

看得強盜截劫行旅巡捕員役疎玩可知仰州勒限嚴緝務在速獲依律究擬解報該州盜賊屢見多係五鼓時分且多在西十三里舖上下五鼓豈客商徑行之時賊十餘人白晝窩藏何地店家縱容早行有無知情賊無馬匹携賊豈能遠走窩主定在該州境內但能力行保甲之法自然奸宄無所逃其情狀而該州視爲故事不肯澄清根本捕役優游養奸緝捕罔效均難辭責仰州速爲奮勵湯子遺書卷七

陝西公牘

三

徹底清查務得根株而剪除之不得優忽從事也

華州詳捉獲盜賊事

看得董豹當堂口供與郝守才李計冬李文興同夥劫布其爲真賊無疑但該州初申四月三十日布客趙文友被劫而所供事情俱在三月內意劫掠習慣不止一次何三月內之失主竟茫無姓名耶有無兇器有無殺傷仰州嚴審的確按律妥招勿枉勿縱

蒲城縣懇討憲批彈壓以革積弊以懲刁頑

看得錢糧白封投匱各縣皆然何獨蒲城有異於是大凡包納錢糧多非良民兩季索討保無分外賠償當此凋敝之後農民脂膏有幾而堪此輩剝削耶夫 國家賦稅踐土之民義不容辭雖甚黠頑豈肯甘心槓化若該縣嚴革積弊勿差役驚擾使得漁利其間既有以感服其心因而立後至之令民獨何心敢不急公而自取罪戾乎該縣蒞任既久土俗民情自能熟諳務求上不病 國下不病民夙弊既清催科不煩乃爲稱任此繳

湯子遺書卷七

陝西公牘

美

華州詳詭滅吞殺事

看楊璠楊珍身列青衿一重妻族一重田產遂閱墻生釁肆意醜詆朔望趨步明倫堂上能無汗顏本當如擬恐爲鬻宮之玷姑從寬免罪仍發學戒飭逢朔望跪讀常棣八章手書改過呈詞繳道原地斷歸毓良管業過糧摘契繳

詭滅吞殺事

據華州生員楊璠楊珍告前事本道因兄弟爭訟已行儒學戒飭逢朔望跪讀常棣八章仍手書改過呈詞繳道訖昨本道按臨華州二生連袂叅謁

自陳悔過情詞真切知其式好如初殊爲欣慰爲此仰州官吏卽將原詳速繳免具改過呈詞仍申諭闔學諸生不可謂其一行之錯仍當服其從善之美其敦古道以爲民先須至稟者

澄城一件防兵盤獲等事

批孫廉等爲盜多年罪貫滿盈殺人之祖而奪其畜抑何狠耶孫廉已服天誅三接等當堂公訊賊證皆確俛首無辭自當按律置之重典仰縣卽轉解長安歸結前件方今盜賊橫行使爲盜者不誅而擒盜者不賞則地方永無甯日况明設購賞久

湯子遺書卷七

陝西公牘

七

奉院行所獲騾馬應賞塘兵馬一匹以鼓後效餘令失主認領俱當堂親具領狀仍候院詳行繳

華陰縣詳違憲霸水事

批考縣誌仙峪水利在紡車蓋地勢自然其來久矣冊報水利原因石撻漫溢之水五方里獨饒耳非專指亢旱時言之也使石撻可鑿何不明鑿於九年報水利冊之時而私鑿於十三年大旱之後華令奉文開渠而不敢輕鑿分寸五方村民乃敢鳩衆行之此紡車等村所以嘵嘵致控也且天時無常今年因旱而鑿潭使隣村不得餘潤若明年



澆又將何如縣詳大槩已悉但水道係民間久遠之利必至公至平方可永息爭端仰府再行確審招解以便轉報

朝邑縣一件指官擾民事

批望仙觀地居衝要棍徒假稱兵役詐騙貨物勒令載送塘丁逞意肆虐均屬不法除本道已經出示趙渡曉諭外該縣仍備述此意嚴示望仙觀以後再有此等卽指名告道以憑拿究至於塘報事關重大夜晚酌量護送但需索等弊萬難寬假耳此繳

湯子遺書卷七 陝西公牘

華州詳報地方事

天

批據詳賈震貴素行狂悖酩酊歸來操刃逞兇破父之手真死有餘辜矣但據震父當堂口供破手之說原無確見而賈純厚素無義方之訓乘醉刺殺長子次子撲救亦幾不免何殘忍至此嗚呼噫嘻親殺其子而中情不怛推此而昆季豈不同犬馬推此而族黨豈不若土芥卵翼之恩禽鳥猶然何人之無良反不如乎按律委無別條滿杖庶蔽厥辜繳

華陰縣詳西王等村爭水一事

前經本道府縣秉公審斷久蒙撫院詳允永爲定制實因山勢自然亦冊報水利之舊跡非有一毫私心穿鑿於其間也何五方村劣衿刁民仍強欲鑿潭但知自私自利不顧隣里生死且袖藏兇器蜂擁喧闐天理於焉滅絕王法視若弁髦殊爲可恨彼動則借口水利冊不知水利冊原因尋常自然之水何常鑿開潭口始報上也使天生石建原塞於西王諸村之上雖禾苗盡稿止有望流而嘆耳誰敢向五方村而問之使當日造水利冊之時曾鑿潭口今西王諸村雖禾苗盡稿又誰敢向五

湯子遺書卷七

陝西公牘

五

方而問之總之潭水自然之利也水利冊亦因其利而利之也鑿潭者刁民之惡習也結黨狂肆者頑梗之故態也今天氣亢旱率由人事乖違官吏不能宣流德教使民遂生復性而若輩又逞其强悍不法之氣欲全專其利而不畏王章其何罪如之仰該縣備述此意曉諭五方士民各安分守法平心靜氣民氣旣和天行亦若甘霖溥降共享樂利之休若恃其刁野堅執不悟該縣卽速詳道以便轉達各部院請示嚴究決不輕貸此繳

生員雷開社等公舉詳批閭氏茹蘗飲冰事姑訓  
子誠足風勵人倫儀型閨閫仰縣先給扁優獎仍  
具詳學道以憑彙轉此繳

遵旨會選堪任鎮將

照得節准驛傳道關蒙軍門憲牌行催陳鎮營兵  
家口經過應用車輛速備停當以候應用情由到  
道准此除先已備行該州縣各照依分派車數催  
備去後今據邵陽縣不思軍機急務猶以詳請議  
畚殊屬不諳爲照各屬協濟牛車原爲勞苦適均  
業經各部院批允司道公議飭行在案又凡大兵

湯子遺書卷七

陝西公牘

三

經過隣邑協濟不得偏累一邑新奉 俞旨通行

欽遵今陳鎮用車數多原非尋常供應可比自宜

亟速備辦照依分派原數協濟庶裨軍務若觀望

議畚勢必難行本道待罪茲土事事從民情起見

今值亢暘爲虐麥禾盡槁修省步禱爲民請命而

天聽甚高微誠罔格又值此異常大兵目擊民情

惶惶晝夜靡甯寢食俱廢誰非本道赤子豈忍見

此荼苦但事關軍機刻難容緩本道軫恤有心寬

豁無術合再嚴飭亟催爲此仰邵陽縣官吏查照

原行并今事理卽備述此意示諭士民各宜體諒

本道苦衷速爲備辦正當極難處之時而奉令不  
居人後愈見尚義急公之雅如本地實不能出車  
該縣卽酌辦牛驢務求足原數之用毋得悠忽遲  
延希冀意外以致臨時失悞軍機責有攸歸勿謂  
本道言之不早也

再行嚴飭防禦以靖地方事

照得司牧以安民爲本安民以弭盜爲先今天道  
亢旱疾苦百姓重以饑饉缺餉兵丁恣其强悍誠  
恐奸宄乘機易於竊發本道屢經申飭所屬嚴查  
保甲以清其源團練鄉勇以待其發真不啻舌敝

湯子遺書卷七

陝西公牘

三

穎禿而各州縣視若罔聞近如郃陽縣申報強賊  
百十餘人操戈挾矢燒房劫殺不知印巡等官駐  
防兵將所司何事除已經本道申報見奉嚴檄查  
取該管文武各官職名合再通行申飭仰州縣官  
吏查照先令牌內事理卽督率巡捕員役併移會  
駐防官兵不時在於該管地方巡邏哨探務得賊  
之來踪去跡互相傳報遇有竊發相機邀截迎擊  
仍飭保甲人等聞賊聲息接聯傳警協力夾攻把  
截隘路盡行殲滅勿使出境遠遁一應未盡機宜  
悉聽從長區處若該州縣能設布方畧使盜賊落

膽疆圍甯靖卽特揭請薦斷不慳吝以灰任事之心若駐防兵丁能電追颺馳當場擒獲賊首者飛報本道重加獎賞所獲器械馬匹盡數給領若保甲鄉勇人等能協力擒獲真賊一名者賞銀十兩穀十石告發窩主得真贓實犯者賞銀二十兩穀二十石若其黨類真心悔過自行投首者宥其前罪一體重賞該州縣卽將賞格明張印示遍貼城市鄉村堡寨仍將刻示賫道查驗使人人知爲盜有必死之法擒盜有必得之賞窩賊者卽身亡家滅告窩者獲榮名厚利誰得誰失宜何去何從也

湯子遺書卷七

陝西公牘

三

至於防守兵丁借端騷擾狡玩捕役妄拿平民及容賊誣扳嚇詐財物并賣放真賊及遇盜逗遛畏縮者訪聞得實兵丁以軍法從事捕役依律究治印官養癰貽患立刻申叅決難寬貸文到日具遵依報查

行查旱災事

查勘旱災大畧情形業已備行該州縣踏勘造冊速報去後今新奉部文責成本道親詣踏勘已發冊式造報矣但恐視爲故事或任憑里長開報經承因緣爲奸或置高閣貽悞限期均屬不便合行

亟催爲此仰州縣官吏照依原行卽便親詣四境  
務要遍行查勘的確分別輕重分數照依原發冊  
式星夜攢造印截冊五本速賫本道立等閱轉本  
道仍不日親臨踏驗如勘報不實者查出疎玩官  
吏定立刻申究不貸

嚴禁差役下鄉擾民事

照得差役之設不過奔走傳奉而已邇來有司不  
遵經制正差之外濫收副役種種多人且積年衙  
蠹奸巧百端有司爲其蒙蔽或催提錢糧或勾攝  
人犯動輒差遣不知此輩得票到手勢如哮虎百

湯子遺書卷七

陝西公牘

三

計酷嚇不饜不休小民終歲勤動不足供賄賂之  
資嗚呼人當伏處草茅時疇不腐心切齒於蠹役  
下鄉之苦一行作吏此事遂忘如其愛之也焉有

不愛熒熒小民而反愛蠹胥如其畏之也焉有不  
畏凜凜王章而反畏黠吏良由平日與之交通

賄賂倒授以柄故不敢約束耳亦不職甚矣本道  
下車時卽嚴行禁約不謂視爲故事竟不省改因  
亢場爲虐又痛切勸勉冀圖悔悟不意猶有漠不  
關心者今特出示曉諭所屬軍民人等知悉以後  
各州縣衛印佐官再有擅差鯨役下鄉擾民需索

行兇者卽收其票籤赴道衙門跪稟審實定照新  
例計贓流徙官吏立刻申叅攔阻之人一併嚴懲  
不貸

### 革長班以除弊端事

照得行省衙門原與京師不同今聞各州縣皆無  
端設長班名色殊可詫異卽曰報事不可無人亦  
不過用馬夫輪班傳報足矣何必長班爲且此輩  
借端招搖串通過往差役作弊生事甚至父子相  
襲把持上下牢不可破故民間私相語曰要去見  
州縣官先來謁長班爲官者聞此言能無惕然乎  
湯子遺書卷七 陝西公牘

書

### 諄諭屬員共保殘黎事

照得本道持廉秉公正已率屬惟望各州縣恪遵  
功令子惠黎元勤勤懇懇申飭勸勉真不啻舌  
敝穎禿乃賢者固多警惕而不肖者置若罔聞見  
百姓困窮盲爾全不動色聞民間疾苦衰然了不  
關心苞苴公行簠簋有玷吏書之奸弊叢生皂快  
之詐索無忌堂下喧嘩無復一毫之懼案邊撥置

不殊衆楚之咻催利火耗太重而寬士夫之包占  
聽斷刑訊太酷而受貴達之囑託甚者以勢力之  
大小爲曲直以私情之喜怒爲出入暮夜之金託  
腹心過送貧而理直者吞聲匹夫之璧借題目索  
求富而身卑者重足些小之事輒提婦女偶爾之  
爭累月繫逮犯人本無力也而強審有力賣兒女  
以完單問罪旣納銀也又分外罰銀變產業以銷  
票里甲多無名之供夫馬多私幫之累官價買物  
久經嚴禁也乃竟賒騙累年而分文不給官收吏  
解恭奉 明綸也乃竟什排封納而收頭起解佐  
湯子遺書卷七 陝西公牘

陝西公牘

三

貳其寮屬也公然准理詞訟竟不約束蠹棍其氓  
隸也公然武斷鄉曲毫無懲戒獨不思 朝廷張

官置吏責任何重小民稱父呼母望惠何殷如此

作官不但上千憲典抑且自喪本心今陰陽乖戾

雨澤愆期本道備位茲土閭閻怨而不聞隴畝困

而莫恤皆本道之罪也是用側躬修省冀回天譴

又以一人之精誠有限故痛切呼我寮屬共圖改

悔今又月餘矣訪之輿論似猶有漠不動心者故

明張示諭與百姓共見之若有前項等弊因循不

悛任憑申告本道定據款申奏決不敢稍有徇庇



令小民之困苦無已時也幸各珍惜子言不再

餉務事

准提督王手本等因爲照兵馬糧餉半木半折久有成規本道何敢違例妄請但查去冬原因藩司餉銀不足潼倉積有餘朽而兵丁枵腹奔馳窮餓待斃本道以封疆重寄不忍坐視申請部院暫改本色以止庚癸之呼旋蒙部院批司查議司覆除去搭錢朋合外餘銀以糧抵餉以後每年仍以半本半折支放等情呈詳部院奉有允示支到之日軍士踴躍歡呼無不祝頌部院之鴻恩者查搭錢

湯子遺書卷七

陝西公牘

美

既領朋合既除是一季未曾全領本色也况去歲秋季八九兩月雖准免支闕靈二縣彼稱舊欠已經解完新糧尙未開徵差催檄催藐無一應是潼營秋季兵餉至今尙未全領也今以應支本色之月再改折色軍士失望又不知守候何時嗷嗷窮丁似難責餓殍荷戈也本道於邸報中伏讀部院協餉拖欠數多等事一疏內云秦中三冬無雪一春不雨卽使月餉時給猶恐不足以資餬口况壓欠日久雖慈母不能保其弱子况三軍之衆乎本道每誦此言以告群兵無不感激涕零戴部院之

高厚雖近來各省協餉轉運關門陸續不絕但恐  
漢中秦川各邊待餉者甚衆未能遽及潼營伏惟  
貴督慨爲轉請部院軫念潼關重地營兵差使浩  
繁迭 詔護鞫自無甯暑冬季未全支本色且係  
一時特恩俯准春季仍照定例支給在部院爲不  
費之惠而實足鼓勵三軍之氣使士飽馬騰爲  
朝廷捍禦巖疆地方幸甚既經該營復請本色前  
來相應移會貴督裁酌轉達詳示遵行希文過道  
知會轉移施行

本道懇題速補要地道缺以理殘疆事

湯子遺書卷七

陝西公牘

七

本道諺蒙憲臺委署商洛自受事以來屈指八閱  
月矣夙夜兢兢不敢辭避艱難惟期殫智竭力以  
仰副憲臺之德意然而才力淺薄識量有限又兼  
時勢孔亟若不早懇憲恩速賜 題請萬一貽誤  
封疆雖加斥譴亦何益焉竊惟商洛爲秦地東南  
門戶壤界楚豫層嶺疊嶂虧蔽日月自殘破以後  
杆賊肆起人烟斷絕較之他屬最久最慘現今五  
州縣缺城者二官吏棲遲山巔野無若人卽有城  
者亦皆雉堞頽敝極目一望惟見頽垣破壁而已  
且密邇鄖寇風鶴時警西接興安迓兵時聞又值

異常旱災麥苗盡槁入夏風霾不息秋種難播人心惶惶靡甯當此之時操練兵馬防禦城池安輯貧民盤詰奸宄提調州縣協力巖疆實時刻不可乏人而本道潼關又極衝極疲大兵絡繹不絕供應最爲繁難沿白韓郃一帶皆昔年盜藪遇此荒歉百姓洶洶不定恐萑苻乘機竊發綱繆桑土亦時刻難懈者也况潼商相去三百餘里中隔華嶽秦嶺聲聞不通當年設立兩道去年並留不裁知各憲臺已洞悉此情形久矣去年十一月始補浙江提學道張僉事至二月又因前任事被論奉有

湯子遺書卷七

陝西公牘

亥

察議之 旨至今尚未開缺本省關內守巡臨鞏隴右各道陞轉皆在張僉事被叅之後久已銓補將次到任而商洛尚懸缺未補則知內部以奉

旨無革職二字故必俟浙江督撫按察議具題始開缺也伏讀禮科原疏叅張僉事列欵甚多浙江上臺遵奉 欽件必詳細駁勘得其確情始敢會

題斷非朝夕可以結局如必俟彼地事結開缺是商洛經年無官也卽事結開缺萬一再推陞一兩廣三閩之官領憑到任往返稽遲是商洛年半無官也商洛非無事之地目下非無事之時雖仰藉

憲臺德威幸而無虞其事體之廢弛者亦必多矣  
懇祈憲臺垂念封疆爲重慨賜 題請求就近銓  
補星馳受事如張僉事察議事結不妨改補別道  
庶不至懸萬難久缺之官以待數千里外被論候  
議之人則地方幸甚本道幸甚爲此今將前由理  
合具呈伏乞照詳施行

塘報事

看得秦地遼濶盜賊時警本道恪奉憲飭申諭所  
屬加意防範嚴保甲以清其源安塘兵以待其發  
又明設購賞操練鄉勇真不啻舌敝穎禿今時值

湯子遺書卷七

陝西公牘

五

荒旱人心惶惶又疊蒙憲檄三令五申乃不意猶  
有邠陽縣楊家坡之事本道據該縣塘報卽刻轉  
申憲臺復一面細加查緝續據該縣申稱楊不孟  
家原係小村併無堡寨離縣四十里接壤同澄一  
更賊入家行劫當被鄉民糾衆救援者三人帶傷  
並無劫去財物而楊生初稱數十人又稱百十人  
蓋黑夜倉卒之際莫能辨其確數本道奉文踏勘  
災傷親履縣境卽拘楊家坡鄉保地方嚴加親審  
供吐一一相符且稱衆人撲救賊中亦有帶傷者  
次早猶見血痕瀉瀉草間所棄器械多係棗柳等

棍大約皆鄉村無賴之徒也使地方官平日恪遵  
申飭嚴查保甲禁戢姦宄遇無賴不安生理之人  
卽行驅逐嚴加懲創縱有一二不革心者亦不敢  
公然結聚矣况賊無馬匹又兼帶傷昏夜豈能遠  
遁若平日申明號令鄉保人等一面救護一面傳  
警坐塘兵丁電擊風馳可以立刻全獲而延緩過  
甚致令兔脫今嚴限已滿杳無緝捕踈玩之罪誠  
不敢爲該縣印捕防將寬也但典史宋之龍委因  
陳總鎮兵經過協濟牛車赴關支應兵馬原未在  
縣而賊未劫財未殺人鄉民力爲救護縣官未敢  
湯子遺書卷七 陝西公牘

欺隱且地處三界離城遼遠或姑開一面勒令會  
同隣州縣文武官將協力緝拿務期必獲以靖根  
株是在憲臺詳示遵行今將取獲職名據實申報  
統候憲裁

欺君虐民極冤事

據府廳會擬呈詳兩司轉詳部院已有成案祇因  
黃河灘地未經丈量而韓民陳三謙等吶吶控陳  
謂其該縣虛報荒數重糧爲詞本道茲奉止委理  
宜親履河干逐段清丈與官民分割是非柰因關  
門兵馬絡繹又兼代攝商雜事務殷繁日無甯晷

且現今各院巡歷考審集於一時萬難速往又查灘地爲數頗多履畝清丈非朝夕可完若求速則未免錯亂非所以仰體上臺之意下服百姓之心若曠日遲久則關門重地貽悞必多今該廳奉文委署韓篆合行就便委丈爲此仰廳官吏查照備云批示事理卽將陳三謙所告慌報灘地照依批詳情節親詣河干逐段清丈要見該縣原報過灘地若干該起糧若干今種地之民要見某某現種地若干該糧若干通融清丈明白合盤打算其中果否有慌報及隱種情弊備細造具地糧花名印

湯子遺書卷七

陝西公牘

望

截清冊呈道以憑覆核轉報事關重大務要至公清覈毋得疎畧遲緩

撫民同知呈詳爲欺君虐民等事

看得陳三謙等所告灘地一案蒙憲臺批行清丈者原爲稽查虛報謊數必求真確以服民心也本道仰體德意敢不細加查釐隨督令署縣撫民劉同知履畝清丈查得韓城縣東面距河沿河上下土田崩灘無常地旣衝崩而糧仍照常賠納已稱苦累地或灘出而民有舊輪原糧豈容重增今逐村清丈有地數足額者如東院等二十餘村是也

彼既未控陳又甘心具結是與前報之數相符故不必再有紛更矣至稱地縮而苦累者止此西院等六村該廳詳稱隨河流曲直地勢濶長段段躬親共丈出縮地三十六頃一十六畝一釐九毫六絲二忽造冊呈齎本道以事關國課民命必求詳慎再三駁查俱無異詞猶恐不確因奉文勘驗旱災躬履沿河一帶詢問鄉民逐畔查對與該廳清丈所報地數一一相符總之林冷原報灘地之中除原有糧者二百四十二頃縮地三十六頃一十六畝一釐九毫六絲二忽外計實增地二百八十二頃三十畝六分七釐二毫四絲八忽耳則今日惟有按畝行糧而重糧包賠之累自可免矣又細閱縣詳內稱新奉憲檄准戶部咨催黃河丈灘以十三年爲始照數徵解以濟兵餉等語謹將丈明地糧數目分晰造冊相應呈請憲臺憫念子遺或准照新增實數行糧或別賜定奪緣係清丈地畝事理本道未敢擅專

湯子遺書卷七

陝西公牘

呈

諮訪救荒實政以濟窮黎事

照得時已夏至甘霖未沛秋難播種三農絕望小民流離饑餓之狀將有不堪聞見者爲民父母遂

愬然置之度外坐視其死而不救乎昔富鄭公之在青州趙清獻之在會稽皆歲逢奇災而民不病豈異人任若實有至誠惻怛之心見民之無食猶已之饑見民之無衣猶已之寒蚤夜惶惶不患無生全之法合行諮訪爲此仰州縣官吏遵照牌內事理仍轉行佐領儒學師生人等各抒已見苟有救荒善策務詳細條陳具陳本道以便採擇若果良法美意足以救民禦災者除嚴飭所屬遵行外仍轉詳各院通行全省以濟萬姓慎勿視爲故事負本道誠求之意速速

湯子遺書卷七

陝西公牘

聖

嚴禁溺殺子女以全天性以厚風俗事

竊惟人類莫親於父子父子之親本於天性古人幼子不笞壯子不詈蓋以父子主恩夔倫根柢於是誠重之也秦中民俗大都鷙悍而薄倫常嗜利而輕骨肉近日乃有殺子捏訟者三月之內叠見本道自嘆待罪茲土不能宣流教化因閉閣思過不敢自逸又訪得民間有溺殺女子之事嗚呼親殺其子而中情不怛推此而昆季豈不若犬馬推此而族黨豈不若土芥獷狼嗜殺亦復何極安得不盜賊滋多刑獄放紛乎夫猛虎有顧子之情牛



羊有舐犢之愛乃人之無良而反不如一物其爲妖孽禍祥莫大於是而恬不爲怪不亦異乎本道廉其弊源有因娶媢校量奩資百端勒索遂以生女爲傷心而殺之者有貧民子多無力併育因而殺之者夫婚姻而論財最爲惡俗除一面嚴行禁革外今天道亢旱恐透骨寒毗生子不存者必多夫屠宰之細尚在禁止如此風不殄上千天和當無窮極合行嚴禁爲此示仰城鄉軍民人等知悉各念兒女皆祖妣枝葉溺殺兒女不獨不慈先已不孝伐木殺獸尚云暴殄天物何況自己血胤若

湯子遺書卷七

陝西公牘

四

真正一貧徹骨子多不能自育者許鄉保鄰佑具結報道本道獨俸代爲鞠養其或預惜賸送仍然菹殺許鄉保鄰佑出首重責枷示逐出境外鄰里知情不首事發一併重懲决不輕貸

日擊衝驛倒做希速請示以專責成以通國

### 賑事

照得潼關乃全秦門戶四省衝衢差使絡繹輪蹄無甯驛站孤懸衛境錢糧出自華陰非若他驛設在縣一年站銀不假外求可以斟酌豐歉自爲補救者也茲值歲歉草料騰貴站銀實不敷用驛

丞卑微之官委難設措冒死控陳情非得已前准  
移會詳議奉有部院批示責令撫民廳料理已轉  
行該廳接管而該廳亦因時艱申文籲請意諉華  
陰兼管府議請詳貴道轉詳與否未有確聞目今  
驛已倒廢馬死多半卽存者亦懸槽待斃不堪驅  
策而奉 詔京官滿洲部堂不時經臨驛官聞信  
潛藏馬夫迺避山外隨風踉蹌之馬一無可用致  
累鄰封越站遞送昨自漢中奉 詔回京滿洲兩  
部堂至因驛官暗迺中火未備本道偕劉叅戎拜  
詔畢各致羊酒果肉僅僅一餐而去雖兩公曲

湯子遺書卷七

陝西公牘

聖

爲體諒然豈所以待天使之道乎本道目覩顛危  
之狀或行廳轉催或徑行縣提預撥站銀以濟目  
前之急真不啻舌敝頭禿而縣官職司錢糧又丁  
艱候代不敢透支那借自取罪愆驛官黠金乏術  
束手待斃大聲疾呼廳縣藐無一應若不急爲綱  
繆衝驛立見倒廢貽害地方似匪淺鮮爲此合關  
貴道希速主持或仍照部院批示責令撫民廳接  
管料理或照府議歸併華陰速賜轉詳請示急令  
專官加意整頓庶殘驛復甦而國脈不至中阻矣

驛遞爲貴道專司而本道待罪茲上聞見頗確至

於斟酌救濟惟在貴道裁轉仍希文過道以憑施行事在危迫請勿緩視

### 禁宰畊牛以重農務事

照得六畜之內惟牛最有功於人田地賴其犁轉穀麥憑之播種縱使毛齒衰殘亦當念壯用其力老棄其身甚爲不仁宜推敝帷敝蓋埋藏犬馬之誼况正資畊耘之年而橫加屠宰毋論報生以死冥譴必加屠宰滋多牛日少而價日踴則地洵荒而民洵貧理所必至者也合行嚴禁爲此示仰兵民屠戶人等以後敢有仍前貪竊嗜利宰殺畊牛湯子遺書卷七 陝西公牘

吳

者巡捕官及里保人等卽行拿解重究舉首者卽將牛價充賞除依律決治外仍重責枷號示儆如巡捕員役里保人等互相賄庇訪出一體連坐決不姑宥

### 塘報賊情事

本月初九日據駐防華州千總劉彪報稱等情據此爲照杆賊結聚殺人擄妻燒毀民房地方非常之變該州平日所爲何事旣無防範於前又無緝捕於後巡捕員役如此疎玩深可痛恨爲此仰州官吏卽查龍嶺鄉民是何姓名賊級三頓現在何

處馬應庫馬應秀帶傷生死何如馬思臣果否已死曹氏有無下落杆賊果有若干人向屯聚何處今奔向何往一面嚴督捕官會同駐防千總劉彪等奮勇協力進剿務必盡獲淨其根株解道申請正法仍一面確查前項情節據實報道勿得一字含糊自取罪咎如賊勢重大卽速星馳報聞以便另發精兵擒剿若敢遲延朦朧冀苟且揜飾貽禍地方者定指名揭叅决不輕貸慎之慎之

### 禁約事

照得本道職司風紀表正屬員必已公而後可責

湯子遺書卷七

陝西公牘

七

人之不公已廉而後可責人之不廉故蒞任以來杜絕餽遺嚴革請託不敢稍有徇私自玷冰玉乃近日有等不肖有司藐視憲綱輒將公文封箚代人投遞私書甚至擅具稟啓借端餽送深可痛恨至於出巡按臨之地一切鋪陳安置小飯下程俱屢經嚴禁竟不遵依違玩殊甚爲此再行曉諭以後如有公文封箚擅具私書稟啓請託餽遺者上號吏不得朦朧上號如違當堂拆出定指名揭叅上號吏重法懲處其經臨州縣違禁用鋪陳等項者提該房吏重責決不姑恕

申飭刑名事

照得本道秉持國憲爲民伸冤理枉然不敢侵府縣之職必事關人命強盜豪奸悍卒衙蠹邪教重大等情方准審理乃近日刁訟成俗往往些小事情動借極大題目希圖准狀或本身理屈反捏詞誣控希圖撻掩及至研審多屬子虛而承問官往往不能虛心執法反曲意護惜卽被告全然無過亦必吹毛索垢曰不合不善調停致激某不甘告訟一例科罰毫無懲創以致刁風愈熾獄訟日繁殊爲可恨更有事極微小律例當答亦必引不應

湯子遺書卷七

陝西公牘

哭

得爲而爲之事理重者律不知何說甚至原被干證一齊問罪黑白不分曲直莫辨令善良短氣克惡肆志此等朦混又不知何說也笞杖罪名可審實詳報至於徒流以上自當連人申解以憑面審定奪乃竟有擬絞擬戍止因本道批發原狀無解報字者亦止以空文招報觀其招案似可允轉而徐訪事情實大相刺謬蓋問官成見在胸胥吏逢迎意旨鋪敘成招大半失實或恣憑喜怒或徇假屬託得意者惟恐解審燭察其弊問屈者雖欲求解亦不允從此所以批詳甫下而告辨紛紛夫聽

訟猶人若果至公無私何難令兩造輸服乎更有  
詞意含糊模稜兩可覆閱再三全無確據夫詳者  
詳細之義審者研究之義大易雷電皆至豐取威  
照並行故曰君子以折獄致刑若優柔蒙昧徒懸  
嘉肺之石不章雷電之令成何法體合通行申餘  
爲此仰廳州官吏卽照牌內事理轉行所屬州縣  
以後凡奉本道批詞涉虛者卽照律反坐事細者  
酌量答逐具由申報不得一例引杖被告無過不  
得吹毛索垢或事關重大或罪輕而情可恨或事  
尚可疑不能信爲確案者俱連人解道以憑面審  
湯子遺書卷七 陝西公牘

四

勿得仍前朦朧致民冤莫伸豈訟愈盛自溺厥職  
大爲不便文到令各具遵依報查

而部司財運

重典復社學以端蒙養事

因日林燈普照殿下

照得化民成俗莫先於學古者自國中至於閭黨  
鄉遂皆有學自少至老未嘗出於學之中故禮讓  
興行風俗樸茂自聖教湮晦人心陷溺士習日媮  
風尚不振有司粉飾文具者頗多而身在教化者  
絕少又兼以兵戈擾攘之際士皆棄其故業奔走  
四方下邑窮鄉豈無俊秀子弟止爲訓導無人觀  
摩無助甚至衣食有缺不能供給束脩以致一字

不識一善不聞一椎魯愚頑多以惡敗真可嘆惜本  
道奉勅潼土練兵督餉之暇孜孜以興學育才爲  
務日進儒生考德問業年來風教漸著向往頗多  
近以攝篆商雒稍稍考校文藝乃應試者寥寥無  
幾山陽等縣一學僅一二人餘皆寄居別境本道  
竊爲慨然昔文翁化蜀令狐訓葬俱成文物之俗  
况商洛素稱文物之鄉平定已十餘年若有司加  
意文教知必有少年俊秀蒸蒸興起者爲此仰州  
縣官吏文到將該州縣本城內外或鄉村集鎮大  
約二百家以上者卽設立社學令鄉約各查本里  
湯子遺書卷七 陝西公牘

辛

子弟年八歲以上十六以下共若干人報於該州  
縣除能自備束脩外如果家貧無資該州縣申名  
報道以憑量爲設處廩穀束脩再行儒學教官通  
查該學諸生中有學問淳篤躬修禮讓者開送印  
官聘以爲師此任者須要端謹敬真以爲後生  
模楷先講明孝經小學諸書教之歌詩習禮問安  
視膳進退揖讓之儀俾循善誘使知身心之學勿  
玩世嬉遊虛糜故事之社學非爲教習舉業專  
以端其行止不端曾出八衙門囑託公事  
不能安貧守道者雖文詞優長教官不得開送其

有剽竊異端邪說炫奇立異蠱惑後生者卽革去館穀另選教讀其學規遵本道頒發王文成公教條勿得聽信流俗妄自更改然須該州縣誠愛惻恒視民如子勤勤懇懇陪師重道方克有成數年之後人文蔚起禮教日新庶不負本道興復社學之意勿忽

急查忠烈實跡以備表揚以範末俗事

照得節義人之大閑綱常國家之命脈世有忠臣孝子天地賴以不壞日月賴以常明今聖主

在上旌廬表墓發微闡幽凡以激勸一代之士氣

湯子遺書卷七

陝西公牘

至

人心非徒使旣沒之幽魂凜凜生色於九原也訪得故明潼關衛指揮使張爾猷忠烈性成韜畧風裕當逆闖入關將吏披靡獨本官誓不偷生血戰殉城剛烈之氣久而彌彰然十載以來地方之俎豆未聞朝廷之褒寵未加實爲缺典爲此仰該衛官吏卽將本官生平偉績及殉難確狀備查的實取官吏師生印結具報以憑申請題旌仍先立碑表揚速速

查議事

照得地方之官自當辦地方之事潼關衛掌印官



外設千總二員皆奉 旨部銓而職掌無多至于  
灘糧獄囚或關係軍需或關係重犯責任匪輕乃  
以委官楊祚昌管理印官竟不稽察二員不得過  
而問焉殊不合理合行查議爲此仰衛官吏文到  
卽查楊祚昌所管事務年來收納有無加耗支放  
有無朦混獄囚有無疎忽一一查明各造交代清  
冊卽於二千總一經歷中選擇老練勤慎可分任  
其事者一併詳道以憑酌委施行

### 復鄉飲以重大典事

照得鄉飲酒禮所以表耆德教萬民甚重典也該

湯子遺書卷七

陝西公牘

五

衛久廢墜不舉不知何故或無堪舉之人與夫十  
室之邑必有忠信豈該衛遂無正直醇謹行著聞  
里者乎年來額徵鄉飲錢糧支銷何處今十月屆  
期合行預飭爲此仰衛官吏卽查此典廢墜幾載  
錢糧係誰冒破仍確查鄉老有行孚月旦可爲士  
民儀型者舉爲大賓卽額設錢糧不足應用不妨  
量備盒酒事事從儉總以得人爲主不在儀文之  
過豐也

